

# **HEVEN O HEL**



**Wanem Ples em bilong yu?**

Bai yu go long Heven o Hel? I luk olsem planti gutpela manmeri bai go long Hel, bikos "*olgeta manmeri i bin mekim sin.*" (Rom 3:23)

Pe bilong sin em wanem? "...*sol i mekim sin, em bai dai.*" (Esekiel 18:4) "*Long wanem pe bilong sin em i dai...*" (Rom 6:23)

Sapos yu lus long God long taim yu dai? "*Na God i bin makim wanpela taim bilong ol man i mas i dai. Nabihain long dispela i gat kot.*" (Hibru 9:27) "*Na sapos Em i no lukim nem bilong wanpela man long ol rait i stap long buk bilong laip, orait Em i tromoi dispela man i go long Bikpela Hul i gat Paia.*" (Revelesen 20:15)

God inap kisim bek wanpela sinman o meri olsem yu? "*Tasol God i soim Em i laikim yumi tru olsem, taim yumi stap sinman yet, Kraist i bin i dai bilong kisim bek yumi.*" (Rom 5:8) Jisas i tok: "*Na man i kam long Mi, bai Mi no rausim em. Nogat tru.*" (Jon 6:37)

Yu gat laik long kisim save long olsem wanem God i ken kisim bek yu? Pastaim, yu mas klia i nogat wanpela samting yu ken mekim bilong inapim yu long go long Heven. "*Em i bin kisim bek yumi. Em i no mekim dispela long stretpela pasin yumi bin mekim, tasol long sori bilong Em yet.*" (Taitas 3:5)

## **Na tu yu mas...**

**TANIM BEL:** "God...i givim strongpela tok long olgeta man long olgeta hap graun olsem, ol i mas tanim bel." (Aposel 17:30)

**BILIP:** "Kraist i bin i dai long ol sin bilong yumi olsem rait bilong God i bin tok. Na ol i bin planim Em, na long namba tri de Em i bin kirap gen..." (1 Korin 15:3,4)

**KISIM:** "Tasol olgeta man i kisim Em, Em i givim namba long ol, bai ol i ken kamap ol pikinini man bilong God. Yes long ol man i bilip long nem bilong Em." (Jon 1:12)

Olgeta dispela i fri? "Long wanem, long marimari, Em i bin kisim bek yupela pinis long bilip tru. Na dispela em i no samting yupela yet i bin mekim. Nogat. God i givim nating long yupela. Dispela i no bin kamap long ol wok bilong yumi. Nogat. Nogut wapelala man i ken litimapim nem bilong em yet." (Efesas 2:8,9)

Jisas i wetim yu bai yu mekim wanem? Rot bilong kisim bek em isi tru! Tasol planti i no laikim. Ol i no inap kisim Jisas na Em tasol long kisim bek ol long sin na long pe bilong sin. Ol i no save bilip Bikpela Jisas i gat inap pawa long kisim bek ol long strong bilong Em yet. Yu save Bilip? "Man i bilip

*long Pikinini Man, em i gat laip i stap gut oltaim  
oltaim. Na man i no bilip long Pikinini Man bai em  
i no inap lukim laip. Tasol belhat bilong God i stap  
long em." (Jon 3:36)*

Yu inap tok yesa yu wanpela sin man or meri? Yu gat laik long God bai pogivim na senisim yu? Yu inap daunim yu yet nau na prea long God na askim Jisas Kraist long kisim bek yu? "*Olsem na Em inap tu long kisim bek olgeta, ol husat i kam long God long nem bilong Em. Long wanem Em i stap laip oltaim oltaim bilong mekim pasin namelman bilong helpim ol.*" (Hibru 7:25) "*Long wanem husat i singaut long nem bilong Bikpela, bai God i kisim bek em.*" (Rom 10:13)

Sapos yu bin putim bilip bilong yu long Bikpela  
Jisas Kraist bihain long taim yu bin ritim dispela gut  
nius pepa, plis larim mipela i save.



**FELLOWSHIP TRACT LEAGUE**

P.O. BOX 164 • LEBANON, OH 45036

[www.fellowshiptractleague.org](http://www.fellowshiptractleague.org) © Tract 2202 (Pidgin)

All tracts free as the Lord provides. Not to be sold.